

其跡者長物噫夫道損又損無我將何求唐虞等餘食天地一贅疣

有物混成章第二十五

有物混成先天地生寂兮寥兮獨立而不改周行而不殆可以爲天地母吾不知其名字之曰道強爲之名曰大大曰逝逝曰是遠曰反故道大天大地大王亦大域中有四大而王居一焉人法地地法天天法道道法自然

道有其物妙哉混成內外天地化化生生求之不得強名而名孰能反之人物之靈靈其自然毋執以形噫欲望崑崙頂上頭層層樓上架高樓眼前自有良崙在指向傍人得見不

道藏輯要

道德真經章句訓頌

十

心集五
六〇八

重爲輕根章第二十六

重爲輕根靜爲躁君是以聖人終日行不離輜重雖有榮觀燕處超然奈何萬乘之主而以身輕天下輕則失臣躁則失君至哉坤元重靜而已非重行馳非靜觀睇行以非行處以不處以御天下不過法地噫春來柳絮擅飛揚只道東風作主張去去更無歸著處枉教天地大茫茫

善行無轍迹章第二十七

善行無轍迹善言無瑕謫善計不用籌策善閉無關楗而不可開善結無繩約而不可解是以聖人常善救人故無棄人常善救物故無棄物是謂襲明故善人不善之師不善人善人之資

不貴其師不愛其資雖智大迷是謂要妙

無所容其力則無以窺其隙有所施其德則有以同其得兼取乎人者無所偏自矜於己者有所惑嘆元造非著相聖人亦何心春和花藹藹海納水深深

知其雄章第二十八

知其雄守其雌為天下谿為天下谿常德不離復歸於嬰兒知其白守其黑為天下式為天下式常德不忒復歸於無極知其榮守其辱為天下谷為天下谷常德乃足復歸於樸樸散則為器聖人用之則為官長故大制不割

吾身妙於嬰兒天地妙於無極道體妙於大樸觀其妙知其

道藏輯要

道德真經章句訓頌

十一

心集五
六十三

微剛而能柔明而不耀貴而自卑斯執其要嘆大樸散天地

器執其要用天地

道本無體強謂之大樸大樸又果何如哉散而求之天地萬物之始固有見其未始

之妙是謂無極歛而求之吾身之生猶有存乎未生之妙是謂嬰兒嬰兒有形之妙无極无形之妙然則大樸之妙在於有無之間有而無無而有所以為道乎人為物靈體道知道行道係焉曰知雄守雌知白守黑知榮守辱知而行之方也不離不忒乃足皆曰常德者道體而德用也知此則造化吾握中物耳

將欲章第二十九

將欲取天下而為之吾見其不得已天下神器不可為也為者敗之執者失之凡物或行或隨或响或吹或強或贏或載或隳是以聖人去甚去奢去泰

無為而為所以收無得之得無心而心所以御無跡之跡天